



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Johannis Michaelis Dilherri Contemplationes, Et Suspiria Hominis Christiani**

**Dilherr, Johann Michael**

**Norimbergae, 1660**

IV. De consilio Trinitatis super homine creando; & de fine hominis creati.

**urn:nbn:de:hbz:466:1-10209**

26 CONTEMPLATIONES  
CONTEMPLATIO-  
NUM ET SUSPIRIO-  
RUM HOMINIS  
CHRISTIANI

IV.

*De Consilio Trinitatis, super  
homine creando; & de fine  
hominis creati.*

**Q**uid est homo, quod recordatus  
fuiſti ejus? quid est filius homi-  
nis, quod viſitaſti eum?

Cogitaſti de me, cū nondum fui:  
fui in tua mente, cū nondum fui in  
mundo. Deliberationem inſtituiſti,  
Deus meus! cū me es fabricaturus.  
Poſtquam prōduxeras omnia, & in-  
gens hoc orbis amphitheatrum con-  
dideras, impleveras, exornaveras; di-  
cebas: faciamus hominem ad imagi-  
nem noſtram.

Tu Deus Pater! qui es principium  
& origo Trinitatis, cum quo conſul-  
tas? an cum Angelis, & ſanctis illis  
cœlitibus? ſed nec illi tecum creave-  
runt

runt hominem; nec homo ad illorum imaginem creatus. An cum terra? an cum sole? cùm sol & homo generare hominem dicantur. Cui tantoperè nugari libuerit?

Faciamus hominem, inquis: nos ipsi occupabimur in eo: & non Angelus, non terra, non sol, non aqua, non alia quædam res.

Qvis autem tecum? an lingvâ Magnatum loqueris? Neque hoc vero consentaneum.

Alloqueris coæternum & coësentialem Filium tuum, & Spiritum sanctum. Deus cum Deo loqueris, Deus unus; &, operante Patre, operatur Filius, & Spiritus Sanctus; operatur unus. Creas hominem, opus totius Trinitatis, in mundo victurum, toto mundo præstantius; creaturam creaturarum omnium exquisitissimam, absolutissimam, mundum parvum, mundi magni compendium & epitomen. Non mundus propriè; sed homo, digitis tuis, communionem Filii & Spiritus sancti, formatus, & spiraculo

28 CONTEMPLATIONES  
oris tui animatus, imago & similitudo tua est.

Resplendescit cœlum, sedes tua, luminibus coruscantibus & rutilantibus; tumet terra, scabellum pedum tuorum, frugibus milleformibus, animalibus innumerabilibus: neque tamen quicquam illorum, ut homo, factum dicitur.

O Deus! imago tua sum, similitudo tua sum: voluptas igitur tua, delicia tuum, requies tua ero. Curæ tibi ero: & à te nunquam derelinquar. Quis enim imaginem, quis opus, ad sui similitudinem elaboratum, negliget? Quo fine hæc omnia fecisti, Deus meus? quamobrem me tam præclare efformasti, & effigiasti?

Hominem quidem primum condidisti: ut stirps esset nostri omnium; ex qua tot rami, tot fructus, tot frondes progerminarent. Voluisti unam omnium esse originem; similem ortum: ut nemo se alteri præferret, quasi patre fatus sublimiore; nemo alterum sperneret, læderet: sed singuli mutuis  
operis

operis suos labores sublevarent; omnes unum sentirent, vellent, cuperent, desiderarent; rixa nulla, nulla contentio, invidia, insidiæ audirentur. Concordia enim est balsamum illud fragrantissimum, quod odorem spirat tibi gratisimum.

Millia millium tibi serviunt in caelis; nec ulla ibi invenitur discordia: millia millium tibi servire debebant in terris; nec ulla ibi itidem inveniri debebat discordia.

Nos omnes condidisti: ut essemus speculum tuæ Majestatis, tuæ gloriæ, tuæ dignitatis, tuæ potentiae, tuæ sapientiae lucidissimum.

Opus laudat artificem: effectus ostendit causam. O artifex ineffabilis! Ô causator inæstimabilis! Caveamus, speculum hoc vel frangere; vel maculare; vel fœdare; vel conturbare. Caveamus, Ô Deus! ne Diaboli larva, ex hoc speculo, reluceat: faciamus, sapientia, pietas, bonitas, mansuetudo, castitas, & quicquid in te est summum, in nobis ex parte refulgeat.

Nos omnes condidisti: ut mundi essemus colophon; decus, ornamentum.

Cavea erat mundus, affabrè fabrefacta & miraculosè: sed oscinem requirebat, cujus cantillatione omnia personarent. Videamus, ô mundani! ne mûdo simus corvus, upupa, aut graculus; sed alaunda: quæ creatorem suum noctu, die, manè, vesperi laudet & celebret: ne simus dehonestamentum, pondus inutile & ignominiosum; quod cum gemitu mundus ejiciat; ejectum gaudeat, non doleat; nec redditum exoptet.

Condidisti nos omnes: ut te, ac opera tua admiraremur, & præconiareremus.

Dedisti mihi intellectum, cœlesti igne renitentem: ut te, per te, tum ex me, tum ex mundo, cognoscerem.

Dedisti mihi voluntatem; ut te cognitum diligerem super omnia: quia superas omnia, & omnia pulcra in te complecteris.

Dedisti mihi linguam: ut, cum te cognovi & dilexi, laudes tibi concinerem & ingeminarem. Adsis

Adsis intellectus! adsis voluntas! ad-  
sis lingua! ecce! adest Deus meus: co-  
gnosce, dilige, lauda.

Lauda, anima mea! Dominum:  
laudabo Dominum, in vita mea; psal-  
lam Deo meo, quamdiu fuero. Lau-  
date Dominum: quoniam bonum est,  
canere Deo nostro; quoniam jucun-  
da & decora ejus laudatio.

Condidisti nos omnes: ut tecum  
viveremus, & gloriæ ac lætitiæ tuæ  
redderemur participes.

Quò quidq; melius; eò magis suam  
cum aliis bonitatem communicat: es  
autem, Deus meus! omnium opti-  
mus: largissimè igitur bonitas tua sca-  
turit in omnes; modò velint captare,  
& haurire.

Da mihi, Domine! ut, qui ambulo  
in via, tecum habitem maneamq; in vita.

Ordinasti me ad vitam: ah! ne me si-  
nas delabi ad mortem. Mors à te nō est;  
sed à me: vita à me non est; sed à te.

Aufer à me, quod est à me; & da  
mihi, quod est à te: & laudabo te, in  
sanctitate tua; laudabo te, in firmamen-

32 CONTEMPLATIONES  
to fortitudinis tuæ. Laudabo te, in  
virtutibus tuis; laudabo te, secundum  
multitudinem magnitudinis tuæ. Lau-  
dabo te, in clangore buccinæ; lauda-  
bo te, in psalterio & cithara. Laudabo  
te, in tympano & choro; laudabo te  
chordis & organo. Laudabo te, in  
cymbalis benè sonantibus; laudabo  
te, in cymbalis jubilationis. Omnis  
spiritus laudabit te. Hallelujah. Ex-  
ultabit spiritus meus, super Deo, ser-  
vatore meo, in seculum.

O da seculum mihi beatum, Deus  
meus beatissime!

CONTEMPLATIO-  
NUM ET SUSPIRIO-  
RUM HOMINIS  
CHRISTIANI

V.

*De Paradiso, & hominis ex  
eo ejectione.*

**T**Riplicem homini gratiam con-  
tulisti, Creator omnipotens! gra-  
tiam animæ, iustitiam originale[m]; gra-  
tiam